



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 11. lib. Genesis in quo describitur structura
turris babylonicæ, confusio ædificantium.

[urn:nbn:de:hbz:466:1-61252](#)

rediisset, fassus est: vidisse se in quiete Juvenem candidum, qui eum prehensâ manu ad compotatorum cœtum duxerit, jussum intueri eorum vultus, quos primô poculô immutari, & quò plus hauisserent, eò deteriores fieri, tandemque in dæmones turpissimâ metamorphosi transfire conspicerit. Eant ebrii ad speculum, intueantur se, quid aliud quam belluarum species in se ipsis notabunt? hinc fertur: Platonem, suos discipulos admonere solitum esse, ut se ebrios speculo objicerent: fore enim, ut visâ sui imagine tam deforme vitium caveant. Non dispari de causa Lacedæmones filiis temulentos proponebant servos, ut eorum foedô spectaculô correcti, à violeñtia abhorrent. Disce ergo frænare appetitum, quem geris erga hunc liquorem.

Doctrina 2.

Desumpta ex cap. II. lib. Genesis, in quo describitur structura turris babylonica, confusio ædificantium.

Considera: **Q**uid tandem machinentur homines, ambitioni & vanæ N. 19.
gloriæ dediti? quomodo integris diebus & noctibus
desudent, ædificium honoris & magni nominis sibi erecturi. At vero ut illud vix erigere cœperint, experiri cogantur, quod superbis Babylonicae turris ædilibus obtigit: à morte enim, aut subitaneo casu sinistræ sortis præventi, opus tantò labore erigi cœptum, aut jam erectum relinquere debeant, expulsi in regionem damnationis æternæ, aut saltem miseriæ temporalis. Perdita vita homines ait Petrus Blesensis, ad Sac. Aul. se laboribus torquent, curis cruciant, expensis eviscerant. Nonne figuram aranearum gerunt, que de suis visceribus telam texit, ut muscam capiant vilissimam? quid est inanis gloria, quam venantur, nisi musca vilissima? Rufinus cum Arcadiô Imperatore Regnum administrans: cùm teste Nicephorô lib. 13. c. 1. Hac gloriâ non contentus, omnem moveret lapidem, ut solus imperaret, caput perdidit, antequam ei Diadema imponeret: priusque abscissa dexterâ per Urbem circa opificum domos ambulare jussus, ambitionem suam pudendô elogiô fateri debuit. Absalom stimulante fastu contra proprium Patrem assurgens, ut eum de Throno dejiceret regnaturus ipse, crinibus ex arbore suspensus, & triplici lanceâ à Joab transfossus interiit. *O ambitio! ambientium crux!* quomodo omnes torques? exclamat S. Bernardus lib. 3.

C

Confid.

Consid. Omnibus tamen places? nihil acris cruciat, nihil molestius inquietat: nihil tamen apud miseros mortales celebrius. Dic quæso: an vel unam noctem quietam ducant? an vel unum bolum sine amaritudine gustent? quando audiunt promoveri alios, quasi tonitru tacti stupent, mœrent, suam conqueruntur infelicitatem. En! quomodo abjectissima quævis servitia lubentis animo arripiant: quomodo adulentur mulierculis? aut infimæ sortis hominibus inserviant? quomodo magnos bonorum suorum thesauros profundant, sine ullo filialis observantia sensu parentes & propinquos amittant? scelera Principum laudent, subditorum virtutes taxent, reclamante conscientia. S. Augustinus refert lib. 10. de civit. Dei cap. 9. Romanos adeò militiae deditos fuisse, ut ad insaniam usque seständis castris inhiarent. Hujus autem phreneseos causam exstissee vanæ gloriæ & ampliandi Imperii appetitum, quem ceu stultitiam irridens exclamat: Nonne in corporibus hominum satius est: modicam staturam cum sanitate habere, quam ad molem aliquam gigantiam perpetuis afflictionibus pervenire, nec cum perverberis requiescere: sed quando grandioribus membris, tanto majoribus agitari malis. Utique non felicitas sed miseria est, velle semper subesse miseriis, quia semper crescere desiderat ambitiosus, atque mediante continuo labore pacem sectatur, quam tamen assequitur nunquam. Et quænam tandem felicitas illa, cuius gratia tanti tolerantur labores? annon amentiam sapit, apicem fortunæ in eo ponere, quod plebs alicui caput denudet? facta laudet? Dominum vocet? o quam multi osculantur illius dexteram, quam tamen detruncatam cupiunt: quam multi fortunatum appreccantur diem, qui animo ipsi horam invident: quam multi longam augurantur vitam, qui nihil optatius haberent quam ejus mortem. Cordialissimos multi se profitentur amicos, & inveteratam in pectore nutriunt inimicitiam. Quid juvat: Pallium incolere, centum conclavia numerans, quando uno eodemque tempore non nisi uno frui potes? quid altus famæ proderit clamor, si dependet ab æmulis, qui illam sepelire student? quid proderunt aurô argentoque distinctæ vestes, si ea multò minus arcant injurias temporum, quam ex vili crassaque materia confeccæ? quid mensa, infinitis quasi ferculis onusta proderit, si venter tuus non est capax plurium, quam capere possit ventriculus miserrimi cujusdam hominis? hæc legens Christiane, vide: an non ambitio tua quoque dominetur in anima? si pro gloria Dei, pro animalium Salute labo.

laborandum, ò quām lentā manu id negotii arripis? at quām celeri
pede volas, quam sedulā manu desudas, si pro obtainenda gloria &
laude hominum, pro impetranda quadam dignitate agitur?

Dòctrina 3.

*Desumpta ex capite 12. Genesij, in quo describitur Abrahami evocatio, ejus
Peregrinatio & Raptus Saræ,*

Considera: **Q**uod paribūs Verbīs, quibūs olīm Abrahamum è p[ro]p[ter]a N[ost]ro tria evocaverat Deus, quemlibet Christianum evo-
cet è perversa hujus Mundi vita. *Egredere de terra tua, inquiens, relin-
quendō si non corporis gressibūs; saltem mentis affectibus terrena &
transitoria bona, & veni per viam piæ Vitæ ad cœlestem Canaan.*
Inopiam, quam patieris in rebus temporalibus amore mei spretis,
aut in pauperes liberaliter distributis, refundetur uberrimā spiritua-
lium gratiarum & cœlestium consolationum segete. Quid ad h[ec]
& his similia vocanti Deo respondes? nōnne differs de die in diem
tam gratiosis obsequi mandatis? non tantū Abrahāmi mirabilē
exemplō ad celerem sequelam, quām Salomonicis minis instigatus:
*Non tardes converti ad Dominum, & ne differas de die in diem: nam diutiūs
tardante te, citè veniet ira ejus.* Eccles. 5. H[ec] tremenda monita haud
dubie cordi ducens Zachæus, ad primam Vocantis Magistri vocem
festinus descendit: didicit inde: divinam vocationem tam punctua-
lem esse, ut in p[er]uncto perdatur gratia, cui non in p[er]uncto morem
geramus: & hinc exclamat S. Ephrem Serm. 1, de poenitent. *Sen-
tis, quod ostium tibi apertum sit? festina priusquam occludatur: ignoras, quō
cœlestis medius ostium medicina sua clausurus sit, festina igitur, ut cureris.* La-
zarus defunctus inter obscuras sepulchri tenebras jam fœtens, vix ex-
ceperat vocem Christi, clamantis Joan. 11. Et statim prodiit, qui erat
mortuus. Èa celeritate mandatum exsequitur, ut ligatis adhuc pedi-
būs & manibūs, capiteque obvelatō se vocanti præsentem sisteret. Quæ-
so: cur non ante pedum ligamina abjecit? respondeat S. Chrysolo-
gus, timuisse Lazarum, ne aliquantulum cunctandō, vocantis gratiæ
foret injurius, & hinc in neglectæ observantia celeris poenam jacere
permitteretur in sepulchro, nunquam amplius resuscitandus. Miran-
dum plane, quod Sapiente teste Eccles. 3. divina Providentia omni-

C 2

bus